



Broj: 01/1-45- /26
Bihać, 24.3.2026. godine

ZAPISNIK
sa 36. redovne sjednice Skupštine Unsko-sanskog kantona
održane dana 24.3.2026. godine

36. redovna sjednica Skupštine Unsko-sanskog kantona održana je dana 24.3.2026. godine (utorak) s početkom rada u 10,00 sati, u sali za sjednice Skupštine Unsko-sanskog kantona, ulica Alije Đerzeleza broj 2, u Bihaću.

Dragana Bajrić, sekretar Skupštine pozdravila je sve prisutne, a zatim je konstatovala da sjednici Skupštine prisustvuje 27 zastupnika i da su odsutna tri zastupnika i to: Elvira Abdić Jelenović, Emir Šabić i Hajrudin Halilović.

Nisvet Jusić, predsjedavajući Skupštine Unsko-sanskog kantona, pozdravio je sve prisutne u sali, te ih upoznao da je Kolegij Skupštine utvrdio dnevni red 36. redovne sjednice Skupštine Unsko-sanskog kantona na osnovu materijala koji su se nalazili u Skupštini.

Zatim je predsjedavajući Skupštine pročitao

Dnevni red

1. Zapisnik sa 35. redovne sjednice,
2. Poslanička pitanja,
3. Prijedlog Zakona o izmjenama i dopunama Zakona o prostornom uređenju i građenju,
4. Prijedlog Zakona o izmjenama i dopunama Zakona o šumama,
5. Prijedlog Odluke o izmjeni Odluke o utvrđivanju nacionalnih kulturnih društava od posebnog značaja za Unsko-sanski kanton,
6. Finansijski plan Zavoda zdravstvenog osiguranja Unsko-sanskog kantona za 2026.godinu i Odluka o načinu izvršavanja Finansijskog plana Zavoda zdravstvenog osiguranja Unsko-sanskog kantona za 2026.godinu,
7. Program rada za 2026.godinu i Finansijski plan za 2026.godinu JU Kantonalni fond za pomoć u stambenom zbrinjavanju i zapošljavanju boračkih populacija,
8. Izvještaj o radu Kantonalnog suda u Bihaću za 2025.godinu,
9. Izvještaj o radu Kantonalnog tužilaštva za 2025.godinu,
10. Izvještaj o radu Kantonalne uprave civilne zaštite za 2025.godinu,
11. Izvještaj o radu Kantonalne uprave za inspeksijske poslove za 2025.godinu.

Također predsjedavajući Skupštine upoznao je prisutne da je Vlada Unsko-sanskog kantona predložila da se prijedlog Zakona o izmjenama i dopunama Zakona o prostornom uređenju i građenju i prijedlog Zakona o izmjenama i dopunama Zakona o šumama razmatraju po skraćenom postupku, a zatim je zamolio predlagače da obrazlože razloge za skraćeni postupak.

Edin Odobašić, ministar Ministarstva za građenje, prostorno uređenje i zaštitu okoliša konstatovao je, da je članom 133. Poslovnika Skupštine Unsko-sanskog kantona propisano kada je to Programom rada Skupštine predviđeno ili kada nije u pitanju složen ili obiman zakon, podnosilac prijedloga zakona može umjesto nacрта da podnese prijedlog zakona i da predloži da se prijedlog zakona pretresa po skraćenom postupku bez nacрта zakona. On je također naglasio da se razlozi za skraćeni postupak ogledaju u činjenici da se predmetnim Zakonom ne vrše obimne izmjene i dopune zakona, te da uzimajući u obzir značaj zakona ne bi trebalo čekati provođenje redovne procedure donošenja novog Zakona o građenju kojeg je ministarstvo planiralo za 2026.godinu, a čije donošenje zahtjeva duži vremenski period. Također g-din Odobašić upoznao je prisutne da je usvajanje predmetnog Zakona bitno za ostvarenje što boljeg i efikasnijeg socijalnog ambijenta u Unsko-sanskom kantonu kako bi se investitorima izgradnje i rekonstrukcije jednostavnih objekata značajno smanjilo vrijeme potrebno za dobijanje dozvola iz oblasti građenja.

Edvin Alijanović, ministar Ministarstva poljoprivrede, vodoprivrede i šumarstva upoznao je prisutne da aktivnosti po pitanju predlaganja izmjena i dopuna Zakona o šumama traju nekoliko godina i da su poznate sve tretirane izmjene i dopune, te da je shodno tome Vlada Unsko-sanskog kantona predložila da se predmetni Zakon razmatra po skraćenom postupku.

Mustafa Ružnić, premijer Unsko-sanskog kantona je konstatovao, da je neophodno da se prijedlog Zakona o izmjenama i dopunama Zakona o šumama razmatra po skraćenom postupku, obzirom da su u pitanju prava uposlenih i određene finansijske korekcije. Kada je u pitanju prijedlog Zakona o izmjenama i dopunama Zakona o prostornom uređenju i građenju, g-din Ružnić je konstatovao, da je neophodno napraviti iskorak i u tom pravcu, obzirom na predstojeću građevinsku sezonu kako bi se olakšalo općinskim/gradskim organima uprave.

Zatim je predsjedavajući Skupštine otvorio raspravu o skraćenom postupku.

Učešće u raspravi uzeli su: Ines Delić, Asmir Ćufurović i Fatka Kulenović.

Nakon zaključenja rasprave, odgovore na postavljena pitanja zastupnika dao je Edin Odobašić, ministar Ministarstva za građenje, prostorno uređenje i zaštitu okoliša.

Sa 17 glasova »za«, 10 glasova »protiv« i bez glasova »suzdržan«, Skupština Unsko-sanskog kantona donijela je sljedeći:

Zaključak

Prijedlog Zakona o izmjenama i dopunama Zakona o prostornom uređenju i građenju, razmatraće se po skraćenom postupku.

Sa 27 glasova »za«, bez glasova »protiv« i bez glasova »suzdržan«, Skupština Unsko-sanskog kantona donijela je sljedeći:

Zaključak

Prijedlog Zakona o izmjenama i dopunama Zakona o šumama, razmatraće se po skraćenom postupku.

RASPRAVA I ODLUČIVANJE PO UTVRĐENOM DNEVNOM REDU

Ad.1.

Zapisnik sa 35. redovne sjednice

Predsjedavajući Skupštine je konstatovao, da je Zapisnik sa 35. redovne sjednice dostavljen svim zastupnicima putem e-maila, a zatim je otvorio raspravu.

Za riječ se javio zastupnik Emir Dautović koji je iznio primjedbu na Zapisnik sa 35. redovne sjednice iz razloga što u istom nije navedeno da je prilikom njegove diskusije u okviru tačke 2 b) u dijelu koji se odnosi na Informaciju o realizaciji Programa rada Skupštine Unsko-sanskog kantona za 2025. godinu zatražio da se u predmetnu Informaciju unesu aktivnosti svih zastupnika, te je shodno tome g-din Dautović zatražio da se ispravi Zapisnik sa 35. sjednice i da mu se dostavi jedan primjerak zapisnika.

Obzirom da više nije bilo prijavljenih za diskusiju, predsjedavajući Skupštine je zatvorio raspravu i dao na izjašnjenje Zapisnik sa 35. redovne sjednice Skupštine Unsko-sanskog kantona, uz prethodno predloženu sugestiju zastupnika Dautović Emira.

Sa 25 glasova »za«, bez glasova »protiv« i bez glasova »suzdržan«, Zapisnik sa 35. redovne sjednice dobio je potrebnu većinu.

Ad.2.

Poslanička pitanja

Poslanička pitanja postavili su: Emir Dautović, Šuhret Fazlić, Nisvet Jusić, Fatka Kulenović, Asmir Ćufurović, Rusmira Konjević, Almin Hopovac, Ines Delić, Azra Tajić i Jasmin Hušić.

(Zastupnica Elvira Abdić Jelenović je pristupila sjednici Skupštine Unsko-sanskog kantona).

Odgovor na postavljeno poslaničko pitanje zastupnika Fazlić Šuhreta dao je Nisvet Jusić, predsjedavajući Skupštine Unsko-sanskog kantona.

Ad.3.

Prijedlog Zakona o izmjenama i dopunama Zakona o prostornom uređenju i građenju

Izvjestilac: Edin Odobašić, ministar Ministarstva za građenje, prostorno uređenje i zaštitu okoliša.

Ispred radnih tijela:

- Sanil Hasić, predsjedavajući Komisije za prostorno uređenje, planiranje, komunalne djelatnosti, zaštitu okoliša i turizam,
- Fatka Kulenović, predsjedavajuća Komisije za ustavna, zakonodavno pravna i pitanja evropskih integracija.

Učešće u raspravi uzeli su: Jasmin Hušić, Fatka Kulenović, Sanil Hasić, Elvira Abdić Jelenović, Aida Pašić, Irma Fatkić, Šuhret Fazlić, Amir Murić, Nijaz Kadirić, Mladen Lonić, Asmir Ćufurović, Zinajda Hadžić i Emir Dautović.

Nakon zaključene rasprave, odgovore na postavljena pitanja zastupnika dali su:

- Edin Odobašić, ministar Ministarstva za građenje, prostorno uređenje i zaštitu okoliša,
- Mustafa Ružnić, premijer Unsko-sanskog kantona.

Mustafa Ružnić, premijer Unsko-sanskog kantona upoznao je prisutne da je zastupnik Sanil Hasić podnio amandmane na prijedlog Zakona o izmjenama i dopunama Zakona o prostornom uređenju i građenju, te da je shodno tome Vlada Unsko-sanskog kantona donijela zaključak kojim se predmetni amandmani nisu odbili niti prihvatili, već će poslužiti kao temelj novih izmjena i dopuna.

Po Poslovniku za riječ se javio zastupnik Jasmin Hušić koji je izrazio nezadovoljstvo dobijenim odgovorima na postavljena pitanja, te je još jednom pojasnio postavljena pitanja.

Sa 16 glasova »za«, 9 glasova »protiv« i 2 glasa »suzdržan«, prijedlog Zakona o izmjenama i dopunama Zakona o prostornom uređenju i građenju, dobio je potrebnu većinu.

Nakon izražene sumnje u ishod glasanja, predsjedavajući Skupštine zatražio je pojedinačno izjašnjavanje zastupnika.

Nakon pojedinačnog izjašnjavanja, sa 17 glasova »za«, 10 glasova »protiv« i 1 glasom »suzdržan«, prijedlog Zakona o izmjenama i dopunama Zakona o prostornom uređenju i građenju, dobio je potrebnu većinu.

Ad.4.

Prijedlog Zakona o izmjenama i dopunama Zakona o šumama

Po poslovniku za riječ se javio zastupnik Asmir Ćufurović koji je predložio pauzu u trajanju od sat i pol vremena, te je zatražio da se Skupština izjasni o istoj.

Nakon izjašnjavanja, predsjedavajući Skupštine je konstatovao, da je većinom glasova prihvaćen prijedlog za pauzu u trajanju od sat i pol vremena.

Nakon završene pauze, Skupština Unsko-sanskog kantona je nastavila sa radom.

Izvjestilac: Edvin Alijanović, ministar Ministarstva poljoprivrede, vodoprivrede i šumarstva.

Ispred radnih tijela:

- Fatka Kulenović, predsjedavajuća Komisije za ustavna, zakonodavno pravna i pitanja evropskih integracija,
- Nijaz Kadirić, predsjedavajući Komisije za budžet, ekonomsku i finansijsku politiku,
- Nijaz Kadirić, predsjedavajući Komisije za poljoprivredu, vodoprivredu, šumarstvo i ruralni razvoj

Učešće u raspravi uzeli su: Emir Dautović, Sanil Hasić, Nisvet Jusić, Irma Fatkić, Nijaz Kadirić, Azhar Sejarić, Asmir Ćufurović, Mladen Lonić, Amir Murić, Abid Mulalić, Šuhret Fazlić i Fatka Kulenović.

Nakon zaključene rasprave, predsjedavajući Skupštine dao je riječ premijeru Unsko-sanskog kantona koji se tom prilikom zahvalio svim učesnicima koji su doprinijeli izradi prijedloga Zakona o izmjenama i dopunama Zakona o šumama.

Zatim je predsjedavajući Skupštine konstatovao, da je Komisija za poljoprivredu, vodoprivredu, šumarstvo i ruralni razvoj podnijela amandman na prijedlog Zakona o izmjenama i dopunama Zakona o šumama, te da je Vlada Unsko-sanskog kantona prihvatila amandman koji postaje sastavni dio zakona.

Sa 24 glasa »za«, bez glasova »protiv« i bez glasova »suzdržan«, prijedlog Zakona o izmjenama i dopunama Zakona o šumama, dobio je potrebnu većinu.

Ad.5.

Prijedlog Odluke o izmjeni Odluke o utvrđivanju nacionalnih kulturnih društava od posebnog značaja za Unsko-sanski kanton

Izvjestilac: Denis Osmankić, ministar Ministarstva obrazovanja, nauke, kulture i sporta.

Ispred radnih tijela:

- Fatka Kulenović, predsjedavajuća Komisije za ustavna, zakonodavno pravna i pitanja evropskih integracija.

Bez rasprave, sa 19 glasova »za«, 1 glasom »protiv« i bez glasova »suzdržan«, prijedlog Odluke o izmjeni Odluke o utvrđivanju nacionalnih kulturnih društava od posebnog značaja za Unsko-sanski kanton, dobio je potrebnu većinu.

Ad.6.

Finansijski plan Zavoda zdravstvenog osiguranja Unsko-sanskog kantona za 2026.godinu i Odluka o načinu izvršavanja Finansijskog plana Zavoda zdravstvenog osiguranja Unsko-sanskog kantona za 2026.godinu

Izvjestilac: Ermin Goretić, direktor Zavoda zdravstvenog osiguranja Unsko-sanskog kantona

Ispred radnih tijela:

- Nijaz Kadirić, predsjedavajući Komisije za budžet, ekonomsku i finansijsku politiku,
- Ines Delić, zamjenica predsjedavajućeg Skupštine je konstatovala, da je Komisija za zdravstvo, boračka pitanja, rad i socijalnu politiku također razmatrala predmetni materijal, te da trenutno u sali Skupštine nije prisutan predsjedavajući Komisije koji bi mogao iznijeti stav Komisije.

Učešće u raspravi uzeli su: Emir Dautović, Azra Tajić, Asmir Ćufurović i Fatka Kulenović.

Nakon zaključene rasprave, Ermin Goretić, direktor Zavoda zdravstvenog osiguranja Unsko-sanskog kantona odgovorio je na postavljena pitanja zastupnika.

Sa 20 glasova »za«, bez glasova »protiv« i 6 glasova »suzdržan«, Skupština Unsko-sanskog kantona donosi:

ODLUKU

Daje se saglasnost na Finansijski plan Zavoda zdravstvenog osiguranja Unsko-sanskog kantona za 2026.godinu i Odluku o načinu izvršavanja Finansijskog plana Zavoda zdravstvenog osiguranja Unsko-sanskog kantona za 2026.godinu.

Ad.7.

Program rada za 2026.godinu i Finansijski plan za 2026.godinu JU Kantonalni fond za pomoć u stambenom zbrinjavanju i zapošljavanju boračkih populacija

Izvjestilac: Almir Tutić, pomoćnik direktora JU Kantonalni fond za pomoć u stambenom zbrinjavanju i zapošljavanju boračkih populacija.

Ispred radnih tijela:

- Nijaz Kadirić, predsjedavajući Komisije za budžet, ekonomsku i finansijsku politiku,
- Amir Murić, predsjedavajući Komisije za zdravstvo, boračka pitanja, rad i socijalnu politiku,
- Emir Dautović, predsjedavajući Komisije za pravdu, ljudska prava, građanske slobode i jednakopravnost spolova.

Učešće u diskusiji uzeli su: Emir Dautović, Elvira Abdić Jelenović, Abid Mulalić i Azra Tajić.

Nakon zaključene rasprave, Almir Tutić, pomoćnik direktora JU Kantonalni fond za pomoć u stambenom zbrinjavanju i zapošljavanju boračkih populacija odgovorio je na postavljena pitanja zastupnika.

Sa 26 glasova »za«, bez glasova »protiv« i bez glasova »suzdržan«, Skupština Unsko-sanskog kantona donosi:

ODLUKU

Daje se saglasnost na Program rada za 2026.godinu i Finansijski plan za 2026.godinu JU Kantonalni fond za pomoć u stambenom zbrinjavanju i zapošljavanju boračkih populacija.

Ad.8.

Izveštaj o radu Kantonalnog suda u Bihaću za 2025.godinu

Izjavitelj: Fata Nadarević, predsjednica Kantonalnog suda u Bihaću.

Ispred radnih tijela:

- Nijaz Kadirić, predsjedavajući Komisije za budžet, ekonomsku i finansijsku politiku,
- Jasmin Hušić, predsjedavajući Komisije za borbu protiv korupcije, pitanja sigurnosti i zakonitosti rada.

Učešće u diskusiji uzeo je Emir Dautović.

Nakon zaključene rasprave, predsjedavajući Skupštine dao je riječ Ružnić Mustafi, premijeru Unsko-sanskog kantona.

Mustafa Ružnić, premijer Unsko-sanskog kantona je konstatovao, da su odnosi Vlade Unsko-sanskog kantona, Kantonalnog suda i Kantonalnog tužilaštva na visokom nivou, te da će Vlada uvijek dati maksimalnu i punu podršku radu Kantonalnog suda i Kantonalnog tužilaštva. On je također naglasio da Kantonalni sud u Bihaću spada među najbolje kantonalne sudove kada je u pitanju norma i kvalitet presuda, te da je rad Kantonalnog tužilaštva također na visokom nivou posebno kada je u pitanju koordinacija između ostalih institucija.

Sa 24 glasa »za«, bez glasova »protiv« i 2 glasa »suzdržan«, Izveštaj o radu Kantonalnog suda u Bihaću za 2025. godinu, dobio je potrebnu većinu.

Ad.9.

Izveštaj o radu Kantonalnog tužilaštva za 2025.godinu

Izjavitelj: Merima Mešanović, glavna kantonalna tužiteljica.

Ispred radnih tijela:

- Nijaz Kadirić, predsjedavajući Komisije za budžet, ekonomsku i finansijsku politiku,
- Jasmin Hušić, predsjedavajući Komisija za borbu protiv korupcije, pitanja sigurnosti i zakonitosti rada.

Učešće u raspravi uzela je Elvira Abdić Jelenović.

Nakon zaključene rasprave, Merima Mešanović, glavna kantonalna tužiteljica odgovorila je na postavljena pitanja zastupnice Elvire Abdić Jelenović.

Fata Nadarević, predsjednica Kantonalnog suda u Bihaću inzistirala je da iznese određena pojašnjenja vezana za diskusiju zastupnice Elvire Abdić Jelenović.

Nisvet Jusić, predsjedavajući Skupštine je konstatovao, da se diskusija nije odnosila na rad Kantonalnog suda, nego na rad Kantonalnog tužilaštva.

Fata Nadarević, predsjednica Kantonalnog suda u Bihaću se za skupštinskom govornicom osvrnula na diskusiju zastupnice Elvire Abdić Jelenović.

Nakon izlaganja g-đe Nadarević, predsjedavajući Skupštine je konstatovao, da je Fata Nadarević, predsjednica Kantonalnog suda u Bihaću dobila riječ kako bi se ispoštovao Poslovnik, obzirom da je već izišla za skupštinsku govornicu.

Po Poslovniku za riječ se javila zastupnica Elvira Abdić Jelenović koja je konstatovala, da je napravljen propust, obzirom da je zatvorena tačka dnevnog reda koja se odnosila na Izvještaj o radu Kantonalnog suda u Bihaću za 2025.godinu i da su se o njoj zastupnici već izjasnili, te da g-đa Nadarević nije trebala dobiti dozvolu za riječ bez obzira što se radi o predsjednici Kantonalnog suda.

Zatim je predsjedavajući Skupštine obrazložio da nije bilo prilike za dozvolu i da je zbog toga naknadno reagirao, obzirom da je predsjednica sama izišla za skupštinsku govornicu i uzela riječ, te da nije bilo prilike da se na bilo koji način spriječi u tome.

Sa 19 glasova »za«, bez glasova »protiv« i 1 glasom »suzdržan«, Izvještaj o radu Kantonalnog tužilaštva za 2025.godinu, dobio je potrebnu većinu.

Ad.10.

Izvještaj o radu Kantonalne uprave civilne zaštite za 2025.godinu

Izvjestilac: Dževad Livaković, direktor Kantonalne uprave civilne zaštite.

Ispred radnih tijela:

- Ines Delić, zamjenica predsjedavajućeg Skupštine je konstatovala, da u sali nije prisutan predsjedavajući Komisije za prostorno uređenje, planiranje, komunalne djelatnosti, zaštitu okoliša i turizam koji bi mogao iznijeti stav Komisije.
- Azra Tajić, zamjenica predsjedavajućeg Komisije za borbu protiv korupcije, pitanja sigurnosti i zakonitosti rada.

Bez rasprave, sa 24 glasa »za«, bez glasova »protiv« i bez glasova »suzdržan«, Izvještaj o radu Kantonalne uprave civilne zaštite za 2025.godinu, dobio je potrebnu većinu.

Ad.11.

Izvještaj o radu Kantonalne uprave za inspekcijske poslove za 2025.godinu

Izvestilac: Alen Čajić, direktor Kantonalne uprave za inspekcijske poslove.

Ispred radnih tijela:

- Nijaz Kadirić, predsjedavajući Komisije za budžet, ekonomsku i finansijsku politiku,
- Nijaz Kadirić, predsjedavajući Komisije za poljoprivredu, vodoprivredu, šumarstvo i ruralni razvoj,
- Azra Tajić, zamjenica predsjedavajućeg Komisije za borbu protiv korupcije, pitanja sigurnosti i zakonitosti rada.

Učešće u diskusiji uzeo je zastupnik Emir Dautović.

Nakon zaključene rasprave, Alen Čajić, direktor Kantonalne uprave za inspekcijske poslove odgovorio je na postavljena pitanja zastupnika Dautović Emira.

Sa 22 glasa »za«, bez glasova »protiv« i 1 glasom »suzdržan«, Izvještaj o radu Kantonalne uprave za inspekcijske poslove za 2025.godinu, dobio je potrebnu većinu.

S ovim je završena 36. redovna sjednica Skupštine Unsko-sanskog kantona.

Sekretar Skupštine
Unsko-sanskog kantona
Dragana Bajrić, dipl.pravnik

Predsjedavajući Skupštine
Unsko-sanskog kantona
Nisvet Jusić
